



Inatsisartuni ilaasortaq, Kristian Jeremiassen  
Maani/

### **§ 37 naapertorlugu apeqquteqaammut nr. 190\_2024-mut Naternami aamma Siggummi umimmannik aqutsinermut tunngasumut akissuteqaat**

Inatsisartut suleriaasissaanni § 37-mi imm. 1 naapertorlugu, umimmaqarfinni Naternami Siggummilu umimmannik aqutsineq pillugu apeqqutinik Naalakkersuisunut nassius-saqarsimavutit. Apeqqutitit uanga suliaasaqarfigisannut akisassanngortinneqarsimapput.

#### **1. Naternami umimmattassat amerlineqarnissaat pilersaarutingineqarpa?**

1-mut akissuteqaat: Naalakkersuisut maannakkut Naternami umimmattassat amerlineqarnissaat pillugu pilersaaruteqanngillat.

#### **2. Naternami ukiukkut qimussimik umimmanniartarnek sivittorneqarnissaanik Naalakkersuisut pilersaaruteqarpat?**

2-mut akissuteqaat: Naalakkersuisut maannakkut Naternami ukiuunerani qimussimik umimmanniarnissap sivitsorneqarnissaa pillugu pilersaaruteqanngillat.

#### **3. Umimmaat qangali Naternami kisinneqarnikuupput amerlassusaat qaqugu kisinneqaqqissappat?**

3-mut akissuteqaat: Pinngortitaleriffiup Kalaallit Nunaanni uumasogatigiit umimmaat aamma tuttu piniarneqarsinnaasut piffissami 2025-2029-mi tamaasa kisinneqarnissaat siunertaralugu pilersaarut suliarisimavaa. Suliap taassuma aningaasaliiffineqarnissaa aningaasanut inatsisip suliarineqarneranut ilanngunneqassaaq. Aningaasaliinissaq anguneeqassappat Naternami umimmaat tuttullu 2025-mi upernaakkut kisinneqarsinnaalissapput. Kisitsineq tamanna nunaminertami Kangerlussuarmi/Sisimiuni tuttnik umimmannillu kisitsinermut ilanngullugu iluaqutaasumik suliarineqarsinnaavoq.

#### **4. Naternami umimmannik kisitsisoqassappat qanoq akeqassava?**

4-mut akissuteqaat: Nunaminertami Kangerlussuarmi/Sisimiuni tuttnik aamma umimmannik 2025-mi kisitsinissaq 1,5 mio.kr-nik akeqassaaq. Naternaq ilanngunneqassappat aningaasat 250.000 kr-nik ilaneqartariaqassapput (malugiuk: Naternamiinnaq kisitsisoqassagaluarpat akia suli annertunerujussuussagaluarpat, Kangerlussuarmi/Sisimiuni kisitsinernut ilanngunneqannginnerani). Qulimiguulimmik ukiukkut/upernaakkut kisitsinissaq uani pineqarpoq.

#### **5. Siggummi ukiukkut pisassiissutingineqartartut umimmaat pisarineqanngit-toortut ukiukkut qimussimik piniarneqartalernissaat 2025-miit periarfissaalis-sava?**

5-mut akissuteqaat: Naalakkersuisut Siggummi ukiuunerani umimmanniartoqarnissaa pillugu aalajangiinissamut biologinit siunnersuineramik tunngavissaqanngillat, aamma ukiaanerani akuersissutit atunngitsuugaasinnaasut eqqarsaatigalugit.

Ulloq: 07-09-2024  
Suliap normua: 2024 - 16248  
Akt normu: 24510071

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

## **6. Ukiukkut Siggummi umimmattassiisoqassanngippat suna peqquataava?**

6-mut akissuteqaat: Apeqquut 5-imut akissuteqaat takuuk.

## **7. Sooruna ukiuunerani Naternami nunap inui sivikinnerusumik takornarissanik sivikinnerusumik piniartinneqartartut?**

7-mut akissuteqaat: Naternami inuussutissarsiutigalugu sunngiffimmilu umimmanniarneq 1. aggustimiit 15. oktobari ilanngullugu ingerlasarpoq, umimmattassat 120-ullutik aqutsiveqarfinnut tallimanut agguaanneqartartunik; Ilulissat, Qasigianguit, Qeqertarsuaq, Aasiaat aamma Kangaatsiaq.

Naternami tammajuitsussanik umimmanniarneq 1. aggustimiit 31. oktobari ilanngullugu ingerlasarpoq, pisassat 15-iullutik tassani maannakkut aaqqissuussisartog ataasiuvoq.

Taassuma saniatigut Qaanaami, Siggummi aamma Sisimiuni tammajuitsussanik umimmanniarnissamut piffissaliussat Naternamut assingupput, Sisimiuni ukiuunerani eqqaas-sanngikkaanni. Tassani piffissaliussaqaq naanneruvoq 1. martsimi aallartittarluni, ilaatigullu Naternami 15. februaarimi aallartittarpoq 10. aprili naammassisararluni.

## **8. Sooruna Siggummi piniartitsilluni umimmanniartitsisoqartartoq nunap inui pi-sassinneqarneq ajortut?**

8-mut akissuteqaat: Nunap inui aammattaqaq aaqqissuussisartog akuerisaasoq ilagalugu tammajuitsussanik piniarnissamut periarfissaqarput. Nalunaarummi atuuttumi akiliuteqarluni piniarneq eqqarsaatigissagaanni inuit allameersut nunaqavissullu immikkoortinneqarneq ajorput. Inuit Kalaallit Nunaanni inunnik nalunaarsuisarfimmi nalunaarsoqqasut taamaalillutik aamma akiliisitsilluni piniartitsinermi aaqqissuussisartumut akuerisaasumut akuersissummik pisisinnaapput, inuit Kalaallit Nunaata avataaneersut assigalugit.

Inussiarnersumik inuulluaqqusillunga



Kim Kielsen  
Aalisarnermut Piniarnermullu Naalakkersuisoq